

慶湖遺老詩集卷第九

七言絕句六十首

清燕堂 丁巳四月趙郡賦

雀聲噴、燕飛、在得殘紅一兩枝
睡思乍來還乍去日長披卷下簾時

北園初夏 丁巳趙郡賦

天氣清和樹蔭濃冥濛薄雨濕簾櫳
萬紅半落生香在 向晚瓊瑰架上風

秋風登城樓 己未七月滏陽賦

襲人風露覺秋初臨水高樓更雨餘
天幕鮮明河影

淡行雲流月兩徐

初見白髮示內 庚申三月滄陽賦

安能屈指計封侯西日東風見白頭信是色身非我
有若論身外更悠

局中歸 庚申五月滄陽賦

心火成灰不復然故園笑別十三年晚涼退食無餘
事坐與兒曹挽紙爲

野步 庚申七月滄陽賦

津頭微逕望城斜水落孤村格嫩沙黃艸菴中疎雨
濕白頭翁嫗坐看瓜

和崔若拙四時田家詞四首 崔字至之庚申

八月滄陽賦

鼓聲迎客醉還家社樹團欒日影斜共喜今年春賽
好纏頭紅有象生花

野蔓牽花過短牆麥秋時節併蠶忙迎門老父延行
客井汲清甘樹蔭涼

雞聲犬吠遠相望社酒登槽喚客嘗曉日清明陂更
闊風吹喬麥蜜花香

晚雪漫、沒兔置滿盃豆粥餉鄰家夜長少婦無春
織一點青燈伴緝麻

西城馬上 辛酉正月滄陽賦

燭冷塵消過上元
清明風日柳初繁
偷閒偶到西城陌
喜見青山似故園

再遊西城 辛酉二月賦

柳條破眼已堪攀
鷺下城隅水一灣
後日重來寒食近
杏花林外見青山

東城送客馬上 辛酉二月滄陽賦

向午孤煙起客樯
一陂春水兩鴛鴦
漁童解唱滄浪曲
應笑塵埃馬上郎

魏城東 辛酉二月元城賦

短、宮牆見杏花
霏、晚雨濕啼鴉
欲將今夜思歸夢
憑仗東風吹到家

成安道中懷寄馮惟逸 馮字日休趙郡滄陽

兩為僚友 辛酉二月賦

蒼面黃須過壯時
欲投閑去兩難期
人生自是無根物
南北東西任所之

李固道中懷寄杜邯鄲 青堂在縣解中 辛酉

三月賦

西望叢臺百尺間
車輪無角不知還
大夫庭下長魚訟
誰伴青堂整日閑

僧居對雨二首 辛酉四月冠氏賦

簷雨濺、滴砌沙綠叢深處一榴花小窓隱几俄成
夢堪笑無功飯後茶

平沙四繞護城隄小雨經旬不作泥似與幽人尉宰
落一雙黃鳥隔墻啼

再涉南羅渡 辛酉八月賦是夏大河西徙遂
可徒涉

滯水生苔沒馬蹄漲沙隱約見胡金隄禹功寢久人
無繼未信東流不復西

金隄客舍望南樂城 辛酉八月賦

黃流漫渙浸城根烟火依微日欲昏禾黍不登非政
罪居人猶得飽魚飧

過澶魏被水民居二首 辛酉八月賦

帶沙剛畝幾經淤半死黃桑繞故墟未必鄰封政如
虎自甘十室九為魚

莫問居人溺與逃破離歌屋宿漁舸中庭老樹秋風
後鶴鶴將雛奪鵲巢

離冠氏道中 辛酉十月賦

別酒厭、一據鞍遠林微逕雪迷漫傷心不似來時
路柳擺東風絮作團

冬夜懷寄周文清郭天輔 辛酉十一月賦

壁缸向滅硯生澌仰屋重哦舊卷詩懸想北園閑散
伴青錢堆坐賭宮基

病告中谷王錡見招 王字誠之臨城故人也
時駕馬亦病足壬戌正月京師賦

伏櫪駑駘伏枕人不應俱是厭京塵東城自有乘肥
客白苧新裁探候春

槩舟廣津門外作 壬戌七月賦

綵竦橋西七日留幾回 首鳳凰樓如何一葉扁舟
裏載得離人萬斛愁

晚泊會亭 壬戌七月賦

後日符離復捨舟馬蹄塵土入徐州祗應明月曾相
識伴我時登燕子樓

題承天寺竹軒 癸亥五月永城賦

征衫初解就僧床惠我偷然一枕涼赤日黃塵畏途
裏此君風味可能忘

楊柳枝詞二首 癸亥五月汲郡席上歌人楊
柔出二白團扇求吾詩為賦

方過清明雨後天回塘照影弄躑 深情擬屬風光
主愛惜長條待少年

楊柳東風盡日吹
柔條應自不禁持
都門三月傷心地
強半青、贈別離

自衛還徐憇永城王氏園 癸亥六月賦

歸路塵埃嬾著鞭
北窓仰枕碧雲天
柴桑此興無人學
負爾清風七百年

席上分韻寄陳傳道 得懷字乙丑二月彭城

賦

忍穿布鞵與青鞵
困走京塵十二街
擬仗飛雲寄招隱
東風吹送落君懷

東平周村驛觀臨川吳公題 乙丑八月賦

頓轡揮毫墨尚新
碧紗從此碧生塵
可憐庭下長楊樹
猶有清陰待路人

九日吞張謀父見招 乙丑彭城賦

昨夜新霜滿菊叢
起來何面對西風
白衣送酒無消息
賴有西鄰張長公

九日張謀父席上 乙丑彭城賦

浪竹低枝掃隙塵
到簾清月欲留人
西家一斛黃華酒
沉醉吳音賀季真

早發斜溝道中寄王有元 王字會之有詩見
寄云應無好夢到彭城
因此吞丙寅二月賦

處、春林有鳥啼恨無芳酒一樽携何緣復得彭城
夢日：東風送我西

泊舟永城寄京都朋遊 丙寅閏二月賦

正西千里是青門橋下春流帶雨渾想見舊遊芳草
合有誰樓上與銷魂

將發永城題陳伯雋蒙軒 丙寅閏二月賦

幾對春風把酒杯小舟臨發更徘徊四明狂客重來
日庭下榴花開未開

京居暮春感興二首 丙寅三月賦

閑坊稅屋遠人群晨鵲昏鴉亦厭聞無奈春風作多

事滿庭花絮正紛

擾、奔蹄與疾輪九街尋勝作狂人東風漫送朝來
雨可奈長安自古塵

春夜對月 丙寅三月京師賦

麗景門頭初月明清川燈火兩橋橫一舟若許東南
去何處西風羽翼生

遊夷門資福佛祠園 丙寅四月京師賦

百根高樹挂凌霄鷓鴣飛來深處巢心喜他年有婦
著白衣居士此誅茅

卯醉口號 十月二十日賦

丙寅元祐初年冬賀老因寓京塵中無心炙手權門
熱曝背晴陽坐屋東

汴下晚歸 丙寅十一月京師賦

隋渠經雪已流冰乘興東遊恐未能試問何人知夜
永一樽相伴小窓燈

陳留道中 丁卯二月十九日賦

強半春風掩戶庭出門唯見麥青從來赤白歌桃
李曾與何人伴醉醒

過曹氏園馬上作 丁卯三月京師賦

香風細出重牆不見繁枝已斷腸知有何人卷簾

箔卧看零落滿斜陽

和人傷春 丁卯三月京師賦

入簾輕絮故人夢後題詩欲判春縱使相思解銷
骨此情終未作黃塵

重賦京居暮春感興 丁卯三月賦

怒風狂雨信悠悠收拾春華不少留祇有柳綿吹未
盡牆陰落泊伴人愁

送人朝饗裕陵 丁卯三月賦

三年不見鼎湖龍弓劍塵埃玉座空白髮孤臣心斷
絕滿山明月栢城風

登興國寺樓 丁卯五月京師賦

怪槐風動綠鬢髻廊外風聞演梵僧
惘悵無人共樽酒可憐明月最高層

李氏池上 丁卯七月京師賦

湖外西風吹雨絲半隨楊柳拂漣漪
女郎偷折藕花去沙上鴛鴦睡不知

遊莊嚴寺園 戊辰五月歷陽賦

石榴花落小池青獨下平橋弄扇行
蔽日綠陰無覓處不如歸去兩三聲

黃埭魏氏見江亭 戊辰七月歷陽賦

浮生欲寄酒杯間馬上誰容一日閑
不是登高粗能賦老夫真負爾江山

題贈芥堂老僧遇來 戊辰八月歷陽賦

歲計江邊二頃田不能多應世間緣
閉門密竹荒松裏杯粥爐香六十年

茅塘馬上 戊辰九月烏江賦

壯畜忽負當年回羨農兒過我賢
水落陂塘秋日薄仰眠牛背看青天

阻風小孤山晚晴作 丙子五月四日賦

小孤山下晚波恬安墮青鬢玉鏡奩
借與彭郎作眉

樣西南初月正尖纖

題漢陽寓舍老桑 丙子六月賦

曾無沃若飽吳蠶腹蠹聊供啄木饒底事慙慙嘖元
緒不應有意附炎、

秋江晚望 丙子九月江夏賦

黃蘆洲渚赤楓林、外殘陽疊嶂深記得廣陵城裏
市董源橫障賣千金

和吳達夫見過留題 丁丑清明江夏賦

崔羅門巷不容車杖屨相過一試茶後日相思會乘
興五雲溪上是儂家

題詩卷後 戊寅三月江夏賦

詩豈窮人窮者工斯言聞諸六一翁端慙少作老更
拙不廢汝詩吾固窮

元豐末年予始筮仕與

方回俱在彭城為同僚友自是一別聲迹不相聞

蓋三十年餘矣政和甲午秋八月予還自京師過平

江謁方回披腹道舊相視惘然如昨夢耳

方回之詩予見之舊矣復出鑑湖集示余其辭義清
遠不見雕繪之迹渾然天成殆非前日詩也

方回自少有奇才其器業足以自表於世意功名可
必也逮今流落州郡不少振豈詩真能窮人耶然

方回詩益工名日益高其傳不朽矣與世之酣豢富
貴與草木同腐者豈可同日議哉以此易彼可以自

釋也是年冬十有二月庚申延平楊時書

宋故朝奉郎賀公墓志銘

信安程俱撰并書 信安毛友題額

公諱鑄字方回其先吳公子慶忌避公子光亂奔衛
妻子散走越越人予之湖澤之田表其族曰慶氏漢
避安帝諱改氏賀至唐有為陽穀令名知止者於方
回為十五代祖其後北徙終止開封 孝惠皇氏克
配昌陵家世仍以才武顯曾祖維能左侍禁祖維慶
東頭供奉官閤門祗候贈左千牛衛將軍父安世內
殿崇班閤門祗候贈右監門衛大將軍母秦氏贈令
人方回幼孤立不群濟良恪公克彰擇妻以女授右

班殿直貧迫於養非其好也監軍器庫門臨城縣酒
稅磁州都作院徐州寶豐監和州管界巡檢辭所當
遷東頭供奉官封其母永年縣太君元祐七年學士
清臣百祿軾薦於朝改承事郎請監北嶽廟監鄂州
寶泉監丁母憂服除以宣義郎通判泗州遷宣德郎
通判太平州管句亳州明道宮再遷至奉議郎遂請
老以承議郎致仕時年五十八居二年從臣薦起之
以故官管句杭州洞霄宮遷承議郎賜五品服以
后族恩遷朝奉郎明年復致仕又六年年七十四以
宣和七年二月甲寅卒於常州之僧舍夫人趙氏前

葬宜興縣清泉鄉東篠嶺之原至是以九月甲申葬
公同穴方面豪爽精悍書無所不讀哆口練眉目面
鐵色與人語不少降色詞喜而刺人短遇貴執不肯
為從諛然為吏極謹細在筦庫常手自會計其於空
罅漏逆姦欺無遺察治戎器堅利為諸路第一為巡
檢日夜行所部歲裁一再過家盜不得發攝臨城令
三日決滯訟數百邑人駭嘆監兩郡狡吏不得指其
私蓋任無小大不苟要使人不能欺而用不極其才
以老自右選易文階時薦者皆有大名且當路顧願
為嶽祠吏退居海上三年乃復就筦庫元符靖國間

除太府光祿寺主簿辭不赴卒請補外自去姑孰及
告老再仕凡十五年不離宮祠吏觀其抗辭任氣若
無所顧忌者然臨仕進之會常如臨不測淵覲視
不敢前竟疾走不顧其慮患乃如此與蹈汙險徼幸
不為明日計者殊科有鑑湖遺老前後集二十卷余
為序尚可考樂府辭五百首他文數十百篇方回姓
字聞天下其詩詞雅麗有古樂府之風讎書至萬卷
無一字一畫訛闕老且病猶捐不置云二子曰房
承節即監保州酒稅曰廩將仕郎二女皆嫁士族孫
男女五人政和間余居吳方回病要余曰死以銘諱

公矣今年春病甚見余毗陵復理前約且曰平生果
於退懼危辱耳今知免矣將葬其子又以治命來求
銘曰

其進踏蹶若將越於谷其退若逝惟危辱是畏依
隱教世亦莫吾屬卒安其所是以無悔

公娶濟良恪公之女公之子提幹君廩復娶良恪
之孫實外姑之親姊故予獲識其子省幹君承祖
者嘗從訪公遺文曰先祖昔寓毗陵中間擾攘凡
所著文編悉為虜酋携去獨巾箱有別錄慶湖詩
前集在固假傳寫正其字畫訛舛而疑者因之又
從趙氏得公墓刻併書於卷末庶知公之出處本
末云乾道丙戌歲仲夏望日邯鄲寇翼令威父記

留題左顧亭二首

孔愉放龜之所

餘不平亭下檝歸舟訪古懷賢百刻留辦得千金脫
元緒此心端不為封侯

亭際高樅滿百圍不無山鬼此烏依咿吻為話當年
事曾見將軍佩印歸

賀公詩詞妙天下幼年每竊聞諸老稱其名章俊
語今詞盛行於世詩則罕見余傳錄此編久矣意
俟後集併為鋟木念未易得恐失因循乃以所積
節儀折色等錢刻置郡齋頃為德清令邑子以公
留題左顧二絕相示嘗揭之亭上今附載於是

紹熙壬子七月朔晉陵胡澄題

慶湖遺老詩集拾遺

鑑湖遺老序

鑑湖遺老詩凡四百七十二篇其五字八句詩鍛煉
出入古今為集中第一其餘大抵名家作也余少讀
唐寶錄與會稽石刻見賀季真棄官本末方開元天
寶之交天下號無事文學士見貴重季真出入禁省
冠道山友儲副極當世華寵然一旦不顧去為千秋
觀道士使人望之超然如雲漢登秦望行剡川未嘗
不悠然遐想也季真去後四百二十載建中辛巳歲
始識其孫方面江湖上蓋鑑湖遺老也方面落有

才具觀其詩可以知其人中間罷官錢塘及通守兩
郡輒謝病去為祠岳吏又一旦掛衣冠客吳下窮達
雖不同其勇退樂閑故有鑑湖餘味然余謂方面之
為人蓋有不可解者方面少時俠氣蓋一座馳馬走
狗飲酒如長鯨然遇空無有時俛首北窓下作牛毛
小楷雌黃不去手反如寒苦書生方面儀觀甚偉如
羽人劍客然戲為長短句皆雍容好麗極幽閑思然
之情方面忼慨多感激其理財治劇之方疊、有緒
似非無意於世者然遇軒裳角逐之會常如怯夫處
女余以謂不可解者此也余竒窮骯髒可憎方面多
交遊乃獨以集副授予曰子好直美惡無溢言為我
詳而叙之此亦豈其不可解之一端耶政和三年癸
巳歲十月朔信安程俱叙

古風一首

答僧訥 守訥鄭氏子字敏中三代第進士訥
亦西至禮部既壯祝髮事師圓照本公庚午十
二月相遇於金陵以長篇見投其自叙如此因
答之

唐代衣冠高四姓天宗之亞滎陽鄭不墜家聲五百
年挂籍相望三葉慶上人猛謝區中緣破冠投擲還

童顛寸灰已滅五經筍來入辯才無礙禪我竊官糧
衆人後相逢宛是平生舊一聞南國白頭吟萬媿西
風碧雲陋老鶴終辭雞鷲群誰將斷綆絆浮雲他日
傳衣度梅嶺解留何語與將軍

近體長句五十八首

登海陵齊雲樓 甲戌正月賦

樓外浮雲何可攀聊持樽酒共銷閑
歸心歛起登臨際春色來從想像間
晚雪晞時見芳草滄波盡處欠
青山長安桃李行應好解笑劉郎底未還

酬別魯忱 魯字誠之嘗任共城尉相聞蓋久

而未始相際甲戌二月魯自通川放還邂逅於
海陵將行為賦是詩

昔年室邇嘆人遐少日相逢別日賒
聊寄歸心天北雁會乘高興斗邊
槎雷驚白晝龍蛇起風蕩青春艸
木華誰念渠伊獨憔悴豈容平世賦懷沙

送張師常之官南雄 張累官嶺外結婚於海

陵因識之甲戌三月賦

爰居蹭蹬海西頭紫鳳求凰亦少留
持酒一樽明日別題詩幾處舊年遊
春風白芷江南岸暑雨黃梅嶺
上州却望衡陽千里遠懸知無雁託音郵

送方安行之官高密令 方字必中有通籍休
官之志甲戌三月海陵席上賦得童字

平世功名輸阿童束書洗劍棲漁篷晚交東武百里
長想見桐廬三拜風白雪興闌吟社遠綠槐陰合訟
庭空他年朱紱指東道試訪釣鼇浮玉翁

送江與京歸山陽 江字茂宗甲戌三月海陵

席上賦得山字

山陽澤國四無山百雉危城兩水閑楊柳遙知紫極
路滄波長羨白鷗閑病來藥裹為吾累興盡漁舟送
子還風月異時何限思區、併入尺書間 紫極宮

在郡城西南隅楚人遊觀之地

海陵書事 甲戌三月賦

海濱流浪胡為宇况復支離百病餘三月逢梅識春
色半年無雁託歸書老烏啄屋瓦呼鬼野艇橫門未
換魚回首揚州繞百里畫橋風月可憐渠

聞鶯有懷故園 甲戌四月海陵賦

海陵春後雨冥冥耳聾鼉鳴鶴齒鳴何意東亭好風
日流鶯忽作故園聲故園千里常牽夢老病三年不
廢情想見楊花收卷盡綠苔池院落朱櫻

海陵西樓寓目 甲戌四月賦

天涯樽酒與誰開
風外徂春挽不回
掃地可憐花更落
卷簾無奈燕還來
王孫莫顧漳濱卧
漁父何知楚客才
強策鴛鴦筋懷故國
浮雲千里思悠哉

寄興化黃主簿祀黃字原禹少年奉道世味

殊薄甲戌四月海陵賦

何準第五不足稱
黃童魚雙非自名
卑棲鸞鳳安初仕
葆練虎龍希長生
明月高吟紫芝曲
紅塵先老白雲兄
莫辭一力走三舍
遽未能來頻寄聲

海陵喜雨

甲戌四月晦日賦

閏年四月之相交
旱天雲物何蕭騷
清風捲地換塵

世白兩入林翻海
濤殊勝農兒踏車
健少寬病夫揮扇
勞湏晴徑買一漁
艇想見橫塘深半
篙

食鮓魚

甲戌閏月有人饋此因賦詩

雨長沙田三尺蘆
截江邏釣待嘉魚
上鈎一尾誇先得
下筋千錢忍棄餘
倦客罷彈腰下缺
故人忘寄腹中書
知機何獨張生翰
不俟秋風已起予
鮓魚初得尾直千錢

題海陵寓舍四首

甲戌閏月賦

藜藿荒庭微徑通
支撐破屋古池東
暮涼百燕抵突雨
晝靜一蟬饕餮
風隱几敢希南郭
久移文方謂北

山空森然槐柳相差地他日低徊憶箇中

右一

近涇籬根歌蟋蟀向明屋角網蜘蛛黃葵紫萸兩張
王二字並去聲花蚊白蟻風驅除輾轉猶憎夏夜久支離
何堪春病餘預愁還作舊年調两眼京塵懷鏡湖

右二

倒障開窓面曲池塵襟初喜豁然披清風殊不去人
遠明月端能與我期鼓吹青氈聊自喜歌謳白鳥漸
相欺絲、利害朝昏出閉目忘言是住持

右三

千里家園安在哉羈棲猶喜占池臺酒非從事斷年
別風是故人彌日來黃鳥綿蠻紫椹熟白鷗澆潯綠
萍開頗知老子機心廢留得渠伊興盡回

右四

聞蘇眉山謫守英州作 甲戌五月海陵賦

嶺首登臨楚粵分披襟先喜得南薰座隅鵬鳥敢要
平賦溪下鱣魚知畏文酒洗黃茅瘴時雨嘯驅碧落
洞中雲高才何假江山助未擬區、詠五君

寄金陵和上人前歲嘗以二詩寄和有卜居之
約久未見報甲戌五月海陵再賦此

舊年問米欲東流先賦新詩寄石頭赤鯁久沉江上
信雜懸誤落海邊州想君道眼遙相識顧我官身可
自由香火因緣知有在草庵蔬粥不他求

許永席上賦 許字子長家釀甚美名十八仙
時余抱病節酒而惟亦同之甲戌中元日海陵
賦

流浪江湖跨兩年西風猶駐木蘭舡可人方外二三
子與爾樽中十八仙處士妄同公子議麴生未減索
即墮自憐衰病妨羈飲也在劉家幕下天

訓別道師許自然 許山陽人嘗為郡道正後

補茅山都正懷土北歸寓紫極宮將謀西上求
試所學以詩見授因訓之乙亥正月山陽賦
早慕浮雲耻繫匏冷然風馭起三茅青菁可種無閑
地黃鶴歸來失舊巢石鼎頗傳驚俗句醉圖未免取
僧嘲何須西望長安笑誰是平生莫逆交

題任氏傳德集 任中立承制既死交親賦詩
吊其不遇者凡百人集而名之曰傳德二子廣
靡亦有學術乙亥三月與吾相際於永城求吾
一詩為賦

釣魚公子學屠龍潦倒西班八品中鼠目獐頭登要

地雞鳴狗盜策奇功
儀刑拔士無光祿
經術傳家有
聖童慨想斯人安
可作九原松楸幾
秋風

送周開祖出守鄱陽 乙亥六月京師賦

三尺京塵袞 中略無閑地
貯清風鱸魚菰菜經年
別皂蓋朱轡一日東俗
眼強分青白在芳樽未
覺聖賢空鄱陽不乏江
山助高興都盧屬謝公

贈僧彥 彥字純老庚午冬余泊舟秦淮屢與

純老過鍾山泉禪師丙子三月再由金陵泉公
化去已累月賦此詩以示純老

昔年杖舄幾相從同遇彌天漢上翁
早恨揚舲南浦

別俄驚掃地北山空
壯心脫落浮雲外
病骨支梧夢境中
賴有西巖舊桃李
異時應許共春風

秦淮官柳二首 丙子四月賦

秦淮兩潮西復東
淮邊楊柳酣薰風
送春白花去漠漠
避日黃鳥啼匆匆
陶彭澤多倦宦嘆
桓琅邪今衰病翁
此身會復有健日
擬就綠陰橫釣篷

右一

西來載病一扁舟
建業江山負勝遊
楊柳經眼方自得
蒲帆臨掛復遲留
長條似舞前溪曲
卷葉宜翻出塞愁
想見南朝舊人物
可憐能個樣風流

右二

和別清涼和上人
和結西菴招吾歸老故有
落句丙子四月賦

明朝解携白鷺洲後日相望黃鶴樓建業水清供白
酌武昌魚賤足音郵著身物外不無處俛首人群非
有求願報西庵落成會待公退卧儂歸休

重別和上人
和以余扶病之官臨分屑涕余

因留舊寫真以結西菴之緣丙子四月賦

分手風波路幾千侵尋老境百痾纏一官得飽亦勞
矣大士忘情獨泫然北道音塵長斷望西菴香火不

無緣是身脫使先朝露苗像聊依十七賢

留別彥上人
丙子四月金陵賦

道人臨別重留連應念吾生泪世緣拄笏看山猶故
態量舡載酒異常年興來不計遠千里休去可須持
一錢會作清涼老菴主兩盂分粥對床眠

留別王閑叟
王方閑闋課誦佛書丙子四月

婆娑晚境未知還邂逅故人增厚顏次道志包宇宙
外子牟身寄江湖間一乘妙義想冰釋九死餘生非
石頑敢負清涼阿師約西菴先辦十年閑

烈洲守風
丙子四月賦

張帆早發石頭城淹泊風波百里程
白芷汀洲潮進退黃梅村落晝陰晴
官糧牽迫少休日藥物扶持多半生
深閉舡扉謝漁老自慙塵垢滿襟纓

晚泊三山懷古兼寄歷陽朋遊 丙子四月賦

三山春水拍江流六代餘風掃地收
破國龍驤復安在賦詩宣城難與詘
傷心遠宦北宗老滿眼舊遊南豫州
寄聲好住數君子一別相忘風馬牛

晚泊東采石磯 丙子四月賦

謝衛將軍憐苦吟袁臨汝即遭賞音風流人物豈如
昨形勝江關留與今控鯉直思凌浩渺然犀何假照

幽深莫招捉月翰林老屈曲塵間猶陸沉

槩舟姑熟溪 丙子四月賦

潮來姑熟半篙深帆落溪口檣如林謝氏青山失故
井柏郎白苧無遺音良遊躡屐負登覽衰病伏枕方
伸吟箇中二頃了吾事怙悵十年懷此心

蕪湖王敦城下作 丙子四月賦

斗立孤城日四圍賊奴曾未懾天威風生虎帳豺聲
屬塵犯龍顏魚服歸首揭大航遺臭在歌流樂府舊
音非當時不慕柏文舉草滿中原胡馬肥

題皖山北瀕江田舍 丙子四月賦

江轉皖公山北流，蕭閑人物美。田疇一溪春，水百家
利。二頃夏秧千石收，小市竹樓張酒旆。平橋松島蔭
漁舟，莫知農老何為者。幾葉傳封樂國侯。

晚泊小孤山作

山與澎浪磯相對，沐猴鷓鴣

分占其上。丙子五月賦是晚大風。

江勢東南陟，折回兩山屹。立地維開顛，風裂石轟雷。
下駭浪澎舟，卷雪來捫。蝨王孫初睥睨，飽魚烏鬼但
這。邈物情豈識，忘形樂嘯倚。檣干獨快哉。

得周元翁蘄春道中書

丙子八月漢陽賦

離、赤棗墻東林，開窓下榻依。墻陰杖藜相顧，賴之

子隱几忘言，知我心晚契。初逢一東野，清詩屢擲。瓊
南金官身為米，自南北世路亡羊，無古今夢澤草荒。
孤驛遠，洞庭雨入滄江深，相思何以祝高韻。桂樹秋
風吟玉琴。

送漢陽刑獄掾鄒永年解官歸養 鄒字天錫

其父以朝散即告老，因補此官。會有大臣薦其
文，再起造朝天錫，復落仕籍。將行求吾詩。丙子

八月賦

高歌每憶故山薇，笑擲青衫換綵衣。竟為蒼生安石
起，本來男子次君歸。脫冠弭擢興非淺，戴笠乘車誓

莫違明日渡江聊贈別武昌官柳尚依

登頭陀寺峯頂菴 丙子八月江夏賦

磴道凌虛挂白虹頭陀上方黃鵠東滄溟五夜浴新
日老木三伏來淒風北夢南雲展張閣縱江橫漢并
吞雄楚鄉絕境此其一付與微吟多病翁

九日寄維揚劉明仲 劉字冲光淮南故人也

丙子江夏賦

揚舫瓜步背瓜洲底處孤亭是玉鈞蠟燭有心啼別
夜布帆無恙到南州黃華嘉節與聲何事白髮故人
分取愁賴有滄江知客恨長年西北望京流 江至

鄂渚即西北流

江夏秋懷三首 丙子九月賦

陳物紛然眼界中長年何與聲偶書空滄浪難為俗
子唱終緯漫催貧女工風月少容休吏役烟波長與
濟途窮功成身退非吾事猶辦扁舟東復東

右一

人物駸尋迫暮遲秋風萬里來如期幽虫切、竟何
道羈燕忽、將安之洛下微吟聊擁鼻西山爽氣為
支願肯將翰墨悲流落寄語三閭彼一時

右二

此身豈復繫西東
流浪江湖伴塞鴻
曲突非圖三爵
客直鈎何羨六
鼈翁千年陳迹
祗今日萬里故園
猶箇中冗散偶
逃人指數未應
吟嘯坐妨公

右三

書國志陳登事後 丙子九月江夏賦

求田問舍良可嘉
元龍偶未思之邪
黃鼠長為太倉
耗白雲猶有青山
家人生歎爾待鑽
石世故紛然勞
筭沙銷磨髀肉亦
何事竟作子陽同
井鼃

寄別秦觀少游

秦南遷桂陽舟過
沔上隔江

不及見因寄是詩
余三為錢官丙子
十月江夏

賦

沔陽湖上小留連
疑是前時李謫仙
流向夜郎纔半
道徑還江夏樂
當年箇儂生以才
為累阿堵官於老
有緣待得公歸
吾亦罷春風先辦
兩漁船

潘函老出十數詩
皆有懷蘇儋州者
因賦二首

丁丑四月江夏作

人烟寂絕鬼門闔
更指儋州杳莽間
三四月交天漏
雨東南地盡水
浮山依迷春草
鷓原失嚮像秋
風鶴馭還回羨
河陽賢父子雪
堂曾伴十年閑

右一

舊隱江城東復東堂前楊柳付春風猶傳白雪興中
曲俄失黃梁夢後翁僂耳吉音無雁使蛾眉爽氣屬
狙公不應更廣窮愁志悟取平生坐底窮

右二

有僧自峽中來持黃黔州手製茶兼能道其動
靜與潘函老賦二首 豫章人聚白金十餘斤
以寄魯直付一士子竟隱之不送故有黃犬之
句丁丑五月江夏賦

未聞東觀奏書成俄見西南萬里行從坐何闕李都
尉補亡猶待褚先生心懸黃犬沈來耗耳慣青駒秖

舊鳴時節私庭差自尉鳳將雛去雁隨兄

右一

平生得祿僅榮親持底天涯料理貧夜戶不閉無長
物晨炊待火乞諸鄰山猿頗俠能來虎水弩何知枉
中人少減家園舊年調携籠先采雨前春

右二

中秋日懷寄潘函老 潘將歸黃岡穫田故有

落句丁丑江夏賦

西戍角聲清且哀東城鼓動殷然雷雨闌伏檻月可
待風橫聲去儀舟君不來得酒未容歡獨伯把書端與

睡為媒雪堂飲穀急還舍更約頭陀黃菊開
重寄潘函老 丁丑中秋以少酒欲致潘來答

云侍親燕甚歡翌日再賦此寄

輕舸暮水帆如弓一伸臂頃來江東聊持美酒致吾
子方事綵衣娛汝翁懸榻可容他客坐閉閣正與魚
月同夙興行樂竟何有醒醉陰晴皆夢中

潘函老以長篇求假吾書以副本送之 丁丑

九月江夏賦

元凱有言君盡知借書還書皆可唾家傳五載亦勤
矣吾與兩雜當共之吏役豈容方外駕古人端在箇

中期聊分副本天隨子輯綴來歸是一奇

示王泌 王歷陽之舊也相別八年會於鄂渚
憐吾衰病因以示之丁丑十月賦

違離南北幾星霜短髮蕭蕭帶尺長執戟即効官落
拓楚丘生觸緒悲涼隻乘雁誰比數拉虎批熊猶
健疆端恨養痾妨方廢酒樽前都屬箇儂狂

答致仕吳朝請潛登黃鶴樓見招 吳字達夫

與吾為忘年之友兼示慎猷玉故有落句丁丑

十一月賦

城隅黃鶴莫登臨端使悲翁動楚吟日下長安人共

遠天圍夢澤。歲方陰。北風欲雪。雁飛急。南渚始水魚。
伏深誰似草堂安。隱客下帷。隱几不求心。

雪後同吳達夫慎猷玉登黃鶴樓 丁丑十二

月賦

歲律崢嶸。臘盡頭風吹朔。雪到南州。三湖簸蕩。蛟鼉
恐七澤迷漫。狐兔愁狂客。定回青雀舫。獵兒初試皂
貂裘。江樓伏檻迎新霽。群玉峰前練帶流。

曹永州哀詞 曹名暉字季明昔相際於永城

喪過武昌歸餘杭卜塋靈隱山諸子來求吾詩
為賦此 戊寅二月旦日

老眼春風雨。淚傾總帷樽。姐異平生可。驚人與琴俱。
絕但見肴晞酒。復清相合水。邊傳美政飛。來峰下啟
佳城翩。五六奇男子。肯使高門墜。厥聲

登黃鶴樓懷古兼寄潘函老昆仲 函老弟大

觀字仲達戊寅五月賦

漢大將軍楚國材。半生倦韻澆塵埃。徐夫人七首安
在。丁令威華表。歸來紫府無蹤。勞彷彿白雲有待。久
裴徊樓標空闊。天垠露川勢縱橫。地軸開隴鳥賦成。
洲共永。越人歌。斲權先回會。招物外二三子。長嘯披
襟挹快哉。

寄武昌方令臨李尉援蕪簡黃岡二潘昆仲

方字孝能李字文舉戊寅六月望江夏賦

好在桐江三拜翁謫仙之裔好應同如聞花縣兩郎
子興發能來一水東共醉南樓故時月斷無度令浼
人風季真老病不堪酒澤畔微吟懷四儂

二月二日席上賦 乙亥江夏作時推官陳扶

將之荆南法曹萬邁彥身罷官歸鄱陽余亦抱
疾此詩偶亡去庚辰十月邂逅同席客復得之

因附卷末

仲宣何遽向荆州謝惠連須更少留二日舊傳挑菜

節一樽聊解負薪憂向人草樹有佳色帶郭江山皆
勝遊載酒賦詩從此始他年耆老語風流

七言絕句二十首

斗峴山馬上 戊辰九月歷陽賦

西來投策倦躋攀晚葉寒華一逕間盡日閑雲不留
雨斜陽還照隔江山

登如方山 戊辰十月歷陽賦

楚郊十月尚聞蟬傍道黃華亦可憐特上西山最高
處長安應在夕陽邊

渡冷水澗投宿萬歲嶺 戊辰十月歷陽賦

蕭、黃葉一清漢白鳥飛來故少留今夜行人短亭
宿小牕風雨夢漁舟

重遊寄老菴懷僧芝 戊寅九月望日與僧法
芝同遊芝有詩云淡遊聊得尉孤悶誰問當年
寄老心後月許日復為是遊芝公西上已達京
都矣

淡遊已恨失芝公陳躅空留夢境中欲問孤雲何處
去庭前雙樹自西風

寄有捷上人 捷番陽人嘗住杭州安樂山戊
子二月與吾相際於盱眙留七日稅舟西上已

已三月有書見寄因以此謔之四月望日烏江
作

捷也當年避畏途寄身一葉泛隋渠定須慙愧操舟
子千里風波汝渡吾

曉晴西郊馬上 已巳九月歷陽賦

夜雨蕭、徹曉聞不應為我掃塵紛弄鞭十里西郊
道但見青山納白雲

重遊梵行院 已巳十月歷陽賦

曉渡南岡五里松精廬未見已聞鐘門前拂地垂楊
柳掃淨秋來過馬蹤

同張漢求宿升中院西寮 乙巳十二月烏江

賦

僧閣窓扉學畫船青熒燈火對床眠北風帶雪披簷
竹渾似瀟湘夜泊天

送僧法印志因西遊京師 庚午正月烏江賦
刻雪裁冰物外人強隨肥馬走京塵未應無地栽桃
李江北江南一樣春

重遊鍾山定林寺 辛未正月金陵賦

破冰泉脈激籬根壞衲遙疑挂樹猿
屐舊痕尋不見東風先為我開門

題賈氏廢園 辛未二月京師賦

丞相園林半手栽清樽曾為幾人開
荒榛野蔓換桃李慙愧春風如故來

東城馬上 壬申二月京師賦

綵虹橋下水闌東接畛園林狹逕通繁杏半開隨半
落短牆無計礙春風

重送曹誠之兼簡俞淡陳庾 俞字清老陳字
敏善皆維揚故人甲戌三月海陵賦

春風漠漠老江離行笑騷人 自持半百幻身如且
健石頭城下兩茅茨

右一

陳顛俞散舊朋遊樽酒相從定少留衰病故情猶有
在春風一夜夢揚州

右二

平野堂重送江茂宗 甲戌三月海陵賦

東風南浦雨瀟瀟 欲去行人不自聊誰道垂楊攀折
苦過春猶有最長條

追永杜仲觀詠蝶 甲戌四月海陵賦

黃蝶尋花日百迴荒庭多雨漫莓苔老狂能似微之
輩借宅猶應乞竹栽

題芭蕉葉 甲戌五月海陵賦

十畝荒池漲綠萍南風不見芰荷生隔窓賴有芭蕉
葉未負瀟湘夜雨聲

留別僧永 乙亥二月盱眙賦

三處分攜跨兩年浮雲生計本悠然江山勝地端相
待大有東南未盡緣

折中倉觀米元章題字 時米客揚州乙亥六

月京師賦

銀鈞入木揜鍾王拂眼清風識楚狂淮海京塵兩流
落與君大是覺身妨

放舟過津門外作 乙亥十月

國門欲去尚遲，况復凄風落照時。猶有京塵空舟尾，惱人無幾庾元規。

慶湖遺老詩集拾遺

後集補遺

廩伏讀前集序云自己卯歲嗣有所賦別為後集所謂後集以經兵火散失不復得有近搜故藁所遺及於佛祠廟宇題詠洎碑刻鐫勒并士大夫親戚傳誦得其一二皆此集中無者故續書卷尾為後集之補遺廩老矣不復得全其集後之子孫續有得者當綴其末

黃山席上別當塗僚友

自昔有宇宙便應有此山如我與君者幾輩來躋攀
聲迹兩磨滅寥々千古間短生一浮漚安比金石頑

五福人所願九齡神所慳著身名利場寵辱如尋環
不見倦飛鳥翻然亦知還酒闌解袂去老矣遂投閑

右見遺藁

九日雨中作

九夏赤旱百井枯三秋積雨釜生魚凌高徑醉不易
圖問底黃葉今有無願致皎白來庭除昏腫爛卷動
卷舒管中一班聊自娛未羨北里鳴笙等少日用壯
膽力麓六翫可取負而趨誰謂衰遲百病餘雀鼠入
屋不受驅長鋏長鋏歸來乎泥深沒經行無車咄嗟
蠟屐非復鳧安得翩然過故都

右見遺藁

送何安中之官新安錄事

帶郭荒山百匝牢躋攀幾見病猿猴官糧可數纒雞
肋吏事懸知倍馬曹芝閣有書行且召萱堂須養未
容高慶湖老子何堪別隱几僧坊更寂寥

右見遺藁

送時適歸彭城兼寄王會之并張白雲

壯年客宦樂徐州五見黃華戲馬週無復登山拋舊
屐不堪臨水送歸舟東城公子猶三逕南墅先生久
一丘為話吳門非樂土鱸魚菘黍漫淹留

右見遺藁

方明古免喪西上山陰賀鑄方回以詩送行非
敢贈言聊書美志

西上遲、誰挽留了君方寸慕松楸三年既盡亦當
起五斗有餘非所求早歲向風勞企羨殘生指日願
依投得官倘近柴桑里應許江邊著釣舟

右見遺藁

清明病中

寒食晴暘少江南此候同侵晨潑火雨薄暮駕潮風
目力書藏上生涯藥裏中可憐佳節物似不繫衰翁

右見遺藁

題葉翰林道卿手書唐人唱和集後

翰客文房萬卷餘說翻是蠹書魚載薰載曝徒為
爾秦築長城錯備胡

右見遺藁

題項羽廟三首

分張天下付群雄回首咸陽卷地空六國三秦隨攘
攘錦衣何暇到江東

右一

楚都陳迹久灰埃一曲虞兮尚寄哀不作偷生渡江

計可須千里更而來

右二

三戶睚眦竟破秦君王武略世稱神途窮一夜無遺
恨挈首慙勤子故人

右三

錢塘海潮

高岸如陸石頑一支漲海橫中間九軍雷鼓震王
壘萬里墨雲驅雪山秦政維舟羞膽怯史遷舐筆恨
才慳錢郎幾許英雄氣強弩三千擬射還

右見遺藁

吳門秋懷

吳門客鬢再經秋城郭藍舁久倦遊平靜松江三萬
頃不應無處著漁舟

右見遺藁

丹陽客舍示曾紆公袞

眼裏鉛華今日見胸中冰炭幾時除欲知老子消懷
處靜夜青燈一卷書

右得於兩浙漕曾紆公袞

鑄年五十八因病廢得

旨休致一絕寄呈姑蘇昆陵諸友

求田問舍向吳津欲著衰殘老病身未拜
恩君賜剡曲歸來且醉鑑湖春

鑄六代祖廣平郡王在五代間久從

宣祖皇帝遊因納女事

太祖皇帝封孝惠皇后賜第在開封隆和
里當時

宣不太祖太宗潛在邸中每喜飲臣家

酒後來鑄高祖六宅使嘗一日預內宴內有
昔宣索遂進舊酒并釀法就賜名鑑湖春
鑑湖先生酷志嗜書未老掛冠告歸滿朝

榮慕真漢之二疎也以詩卜居於姑蘇昆
陵兩郡親舊和之者皆一時名公柄於

先生門下有姻契亦嘗作兩韻今豫登欲
完後集記錄以呈豫登倘不棄孤陋許
以柄詩附

先生集尾使晚生廁名於其間抑何榮幸
也晉陵鄒炳德久詩云

清監風流賀季真先生端是昔人身如何
未老催歸去要卧煙霞兩郡春其他名公
和者柄失記

題毗陵僧舍二首

古寺相留跨兩年窮通出處固天然短檠燈火掩書
卷屢聽芭蕉夜雨眠
秋風忽起家山意流落天涯嘆憔悴古寺不挂褰瀛
圖終南山翁何處至

右得於晉陵孫覲仲益

和題原陵薦福寺紅梅

一種梅生禪老家屋簷古榦恣欹斜詩人莫訝深紅
色可勝尋常桃杏花

右得於晉陵孫覲仲益再得於僧惟訥云從

教畫作深紅色絕勝尋常桃杏花

吳江送客

送別松陵道輕舟助客擘湖空翦葭茨市隘集魚鰕
薄雨啼殘或新潮蝕嫩沙鏡中羞杏颺行復見春花
右得於屯田郎官范雱伯達

題流香亭

秋色朝來已十分遠山清瘦露雲根芙蓉昨夜驚風
雨葉、留香有淚痕

右得於屯田郎官范雱伯達

王迥子高挽章五首

我昔官房子長懷忠穆賢里無行馬第山有卧牛阡
當代三公後維君五福全桐宮遠歸祔追舊幾潛然
卓爾金閨彥頎然玉筍班周旋三友益零落十年間
輾轉靈輻動悠揚素旆還暮年懷抱爰應未辨追攀
蕭散竹林風平生略約同官班魏叔夜年輩晉安豐
民詠濡須攻朝推胸臆功九原無復作埋玉恨何窮
南浦維舟言東堂抵榻眠後期猶指日輕別遂終天
墨妙今初貴詩鳴久已傳清風知未墜諸子更翩翩
已矣知無憾賢愚共此途白駒馳白日黃髮掩黃壚
和氏終還趙干將不墜吳鴛疴如可強猶擬莫生芻

右見王公治行集

約十客同集金山米芾元章約而不至坐中分
題以元章未至分韻作詩拈闍韻應口便作滯
思即引巨觥余得章字

九客相逢日楚狂停歌罷缺緩行觴座中那更添
令分韻吟詩招阿章

右得於將作監米友仁元暉

題秦觀少游寫真

淮海多才士徒希馬少游誰容老芸閣自識死藤州
狀貌披香爽陽春掩卷愁湛郎長鬣爾殊不嗣風流

右廩省記


別王銍性之

吾老無北里子能詎南來臨分即間訣薄暮更徘徊
晚節狗微尚方剛惠多才此生南與北出處兩悠哉

右廩省記

後集補遺

始予讀公墓誌謂有詩二十卷而所得前集財
九卷竊疑其脫略以公自序如此且其孫所手
抄遂信之竭來邵陽因命鋟木既而有於公家
嘗傳心之十者為予校讎果少近躰一卷缺古
風一首絕句二十首又得之公子廩豫登補遺
二十七篇并程公之序錄以見寄屬瓜代之日
無幾不暇附益改作始目曰拾遺而亟刻之以
全其集云紹熙癸丑三月五日澄書



國立中央圖書館藏

